

Reglur um refa- og minkaveiði í Húnaþingi vestra

1. kafli

Almennt

1. gr. Reglur

Reglur þessar gilda um veiðar á refum og minkum innan sveitarfélagamarka Húnaþings vestra. Um veiðar þessar gilda ákvæði laga nr. 64/1994, um vernd, friðun og veiðar á villtum fuglum og villtum spendýrum, auk reglugerðar sem settar eru samkvæmt þeim, einkum reglugerð nr. 437/1995, um refa- og minkaveiðar með síðari breytingum.

2. kafli

Refaveiði

2. gr. Veiðimenn

Húnaþing vestra gerir samning við veiðimenn um grenjaleit og vetrarveiði á ref. Einnig er sveitarfélaginu heimilt að greiða tímakaup fyrir grenjaleit við sérstæðar aðstæður.

3. gr. Búnaður

Veiðimaður sem sveitarfélagið gerir samning við, kemur sér sjálfur upp búnaði til veiðanna. Búnaður við refaveiðar skal ekki brjóta í bága við lög og reglugerðir. Sé komið fyrir gildrum skal það gert þannig að öðrum dýrum stafi sem minnst hætta af.

4. gr. Grenjaveiði

Sveitarfélagið ræður veiðimenn til grenjavinnslu á tímabilinu 1. maí til 31. júlí ár hvert (grenjatíma skv. 5. gr. reglugerðar 4737/1995 um refa- og minkaveiðar). Húnaþing vestra greiðir þeim þóknun fyrir veidd dýr, sjá 19. grein. Einungis veiðimönnum sem eru með samning við Húnaþing vestra er heimilt að veiða á grenjatímabilinu.

Þó geta bændur og æðarræktendur eða aðilar á þeirra vegum, skotið refi sem búfánaði eða æðarvarpi stafar bein hætta af.

5. gr. Leit

Við grenjaleit er ætlast til að farið sé á grenstæði sem einhverjar líkur teljast á að tófa leggi í það árið. Ekki er ætlast til að farið sé á grenstæði sem hafa ekki verið notuð svo áratugum skiptir nema vísbendingar séu um óvenjulegan tófugang. Þó skal veiðimönnum það í sjálfsvald sett hvort þeir kíki á grenstæði á eigin vegum.

6. gr. Skrá

Veiðimenn skulu halda skrá (nafn og hnitsetningu grenis) yfir þekkt greni og uppfæra hana ef ný greni finnast.

Þegar ráðinn er nýr veiðimaður afhendir sveitarfélagið honum grenjaskrá. Sveitarfélagið lætur veiðimann hafa kort í góðum mælikvarða sem hann getur fært staðsetningu grenja inn á.

7. gr. Vetrarveiði

Sveitarfélagið ræður veiðimenn til vetrarveiða á tímabilinu 1. ágúst til 30. apríl ár hvert.

8. gr. Útburður ætis

Vanda skal til verka við útburð ætis. Leitast skal við að hafa hæfilega vegalengd á milli staða sem borið er út á.

9. gr. Staðsetning og frágangur ætis

Ætlast er til að staðsetning og frágangur ætis valdi útvistarfólki og öðrum sem um landið fara sem minnstum ama. Jafnframt skal staðsetningin vera í samráði við fulltrúa Húnaþings vestra, auk þess sem samþykki landeiganda og MAST þarf að liggja fyrir. Fjarlægja skal æti og leifar þess um leið og hætt er að stunda veiðina.

10. gr. Samráð við aðra veiðimenn

Veiðimaður skal hafa samráð við aðra veiðimenn og landeigendur þegar borið er út æti. Veiðar úr ökutækjum eru bannaðar sbr. 21. gr. laga nr. 16/1998.

3. kafli

Minkaveiðar

11. gr. Hefðbundið

Húnaþing vestra ræður veiðimenn með minkahunda til hefðbundinnar minkaleitar í sveitarfélaginu. Skulu þeir að jafnaði veiða á tímabilinu 20. apríl til 30. júní og vera til reiðu ef vandamál koma upp.

12. gr. Sérstök áhersla

Lögð er sérstök áhersla á að leitað sé á varplöndum og við veiðiár. Einnig leitað með sjó, svo sem kostur er. Veiðimenn skulu vera vel tækjum búnir til veiðanna.

13. gr. Gildruveiðar

Heimilt er að ráða veiðimenn til gildruveiða. Séu gildir lagðar fyrir mink skal þannig um þær búið að öðrum dýrum stafi sem minnst hætta af. Ef fótbogar og dauðagildir eru notaðar skal búa um þær þannig að minkurinn láti lífið á sem skjótasta hátt.

14. gr. Veiðar

Sveitarfélaginu er heimilt að ráða veiðimenn til minkaveiða á tímagjaldi við sérstakar aðstæður. Greiða skal slíkum veiðimanni tímakaup á hverja unna klukkustund og kílómetragjald.

15. gr. Minkabæli

Ganga skal þannig um minkabæli að sem minnst landspjöll hljótist af. Minkur sem næst lifandi skal aflífaður á sem skjótvirkastan hátt.

4. kafli

Skil á skýrslum og greiðslur

16. gr. Veiðikort

Þeir einir fá greidd skotlaun sem hafa gilt veiðikort.

17. gr. Skil á gögnum

Skottum af unnum dýrum ber að skila á þjónustumiðstöð sveitarfélagsins ásamt fylgigögnum. Til þessa ber að nota sérstakar bækur frá Umhverfisstofnun. Þar skal koma fram hvar og hvenær dýr var unnið og hvenær og/eða hvaða greni var leitað, ásamt hnitsetningu grenja. Greiðslur fara ekki fram fyrr en þessum gögnum og reikningum hefur verið skilað. Þar með talið að uppfæra grenjaskrá ef ný greni hafa fundist. Veiðimanni ber að skila til sveitarstjórnar sundurliðuðum reikningi vegna veiðanna.

18. gr. Hámarksupphæð

Sveitarstjórn ákveður við gerð fjárhagsáætlunar hámarksupphæð til refa- og minkaveiða. Landbúnaðarráð ákveður kvóta á veidda refi og upphæðir sem greiddar eru fyrir hvert dýr í samræmi við fjárhagsáætlun hvers árs.

19. Annað

Reglur þessar voru samþykktar á fundi landbúnaðarráðs Húnaþings vestra þann 4. desember 2019

Reglur þessar voru samþykktar á fundi sveitarstjórnar Húnaþings vestra þann 10. janúar 2020